



KEMENTERIAN PEMBANGUNAN LUAR BANDAR

No. 47, Persiaran Perdana, Presint 4,

Pusat Pentadbiran Kerajaan Persekutuan, 62100 Putrajaya, Malaysia

Tel: 03-8000 8000 Email: aduan@rurallink.gov.my | webmaster@rurallink.gov.my

KEMENTERIAN PEMBANGUNAN LUAR BANDAR

E-KERATAN AKHBAR HARIAN

TARIKH : 7 JULAI 2020

RUJUKAN : KPLB.UKK.600-11(19)

UNIT KOMUNIKASI KORPORAT

KEMENTERIAN PEMBANGUNAN LUAR BANDAR

 www.rurallink.gov.my

 Kementerian Pembangunan Luar Bandar

 [kplb_gov](https://twitter.com/kplb_gov)

 [kplb_gov](https://www.instagram.com/kplb_gov)

 [kplb Official](https://www.youtube.com/kplbOfficial)



Kemas hasilkan 81,345 set PPE untuk petugas barisan hadapan



Dr Abdul Latif (kanan) bersama kanak-kanak Tabika Kemas Kampung Muhibbah, Beaufort semalam.

BEAUFORT - Sebanyak 81,345 set peralatan pelindungan diri (PPE) telah dihasilkan sukarelawan Jabatan Kemajuan Masyarakat (Kemas) di seluruh negara setakat ini bagi membantu petugas barisan hadapan mengawal penularan Covid-19.

Menteri Pembangunan Luar Bandar, Datuk Dr Abdul Latiff Ahmad berkata, seramai 1,002 sukarelawan terlibat dalam usaha itu dan mereka merangkumi tenaga mahir terlatih, kakitangan dan peserta kelas kemahiran Kemas.

“Set PPE yang dihasilkan merangkumi gaun isolasi, tudung dan tali pengikat gaun yang dijahit sejak

Mac lepas,” katanya pada Majlis Penyampaian Sijil Penghargaan Kepada Sukarelawan Penyedia PPE Kemas Sabah di Tabika Kemas Kampung Muhibbah di sini semalam.

Menurut Dr Abdul Latiff, di Sabah, sebanyak 6,650 set PPE telah dihasilkan oleh 70 sukarelawan Kemas di negeri itu yang terdiri daripada tenaga mahir dalam bidang kemahiran jahitan dari empat daerah iaitu Sandakan, Penampang, Silam dan Kudat.

Sementara itu, bercakap kepada pemberita kemudian, Dr Abdul Latiff berkata, pihaknya sedar tentang masalah capaian internet tidak me-

muaskan di kawasan luar bandar di Sabah.

“Masalah ini bukan sahaja berlaku di Sabah dan Sarawak tetapi di seluruh Malaysia. Oleh itu, di peringkat kementerian, kita telah mengadakan perbincangan dengan Pengerusi Telekom Malaysia Bhd (TM), Tan Sri Mohd Bakke Salleh mengenai masalah ini.

“Hari ini (semalam) kita juga adakan pertemuan dengan Suruhanjaya Komunikasi dan Multimedia Malaysia (MCMC) untuk melaksanakan kerjasama bagi menyelesaikan masalah internet di luar bandar,” katanya. - *Bernama*